

DIE MAAND VAN JULIE IS OOK AL WEEREENS IETS VAN DIE VERLEDE MAAR MOEDER NATUUR TOON EGTER NOG GEEN VERSLAPPING VAN HAAR WINTERSGREEP OP DIE EILAND NIE. WIND REEN EN SNEEU IS NOG STEEDS AAN DIE ORDE VAN DIE DAG. DONKERTE HEERS NOG STEEDS VIR DIE GROOTSTE GEDEELTE VAN ELKE 24 UUR. TYDENS DIE PAAR URE VAN DAGLIG WORD DIE SON OOK MAAR BITTER SELDE WAARGENEEM EN BLY MAAR MEESTAL VERSKUIL AGTER DIE LAE WOLKBANK WAT MEESTAL OOR DIE EILAND HANG. A.G.V DIE LENGTEGRAAD WAAROP DIE EILAND LE, NEEM DIE GOUE BAL SE ROETE DEUR DIE HEMELRUIM HOM NOOIT HOER AS SOWAT 35 GRADE VANAF HORIZON AF NIE. DIE VELDASSISTENTE WAT MEESTE VAN HUL WERK BUITE VERRIG VIND DUS DIE BEPERKTE DAGLIG MAAR IEWAT VAN N ONGERIEF EN SUKKEL DIKWELS OM N DAG SE WERK IN TE PAS IN DAGLIG BESKIKBAAR.

ONS IS REEDS IN ONS VIERDE MAAND HIER OP DIE EILAND EN IS DUS TOT N GROOT MATE WORD DIE KOUE GLAD NIE MEER SO ERG GEVOEL NIE. DIT IS EGTER DEBATTEERBAAR OF DIE KOUE MINDER GEVOEL WORD AGV DIE FEIT DAT DAAR TOT N GROOT MATE GEAKKLIMATISEER IS EN OF DIT DIE GEVOLG IS VAN DIE PAAR EKSTRA KILOGRAMME WAT SO ONVERKLAARBAAR OM MEESTE VAN ONS SE MIDDELS BEGIN VERSKYN. HOE OOK AL SY, BAADJIES EN JASSE WAT AAN DIE BEGIN VAN DIE JAAR NOG STYF OM DIE LYWE GEWIKKEL WAS WORD NOU AL HOE MINDER GEBRUIK EN DEESDAE VIND VAN DIE BRAWES DAT SLEGS N KORT BROEK EN T-HEMP VOLDOENDE IS. DAAR MOET EGTER GEMELD WORD DAT MEESTE VAN ONS VERWOED IN DIE GYMNASIUM FIETSTRAP EN GEWIGTE RONDSTOOT OM HIERDIE ONVERKLAARBARE KILOGRAMME AF TE SKUD. AS DAAR EGTER GEKYK WORD NA DIE FYNPROEWER GEREGETE WAT MET AANDETES VOORGESIT WORD IS HIERDIE ONVERKLAARBARE PAAR EKSTRA KILOGRAMME GEENSINS SO N GROOT MISTERIE NIE. SPANLEDE WAT AAN DIE BEGIN VAN DIE JAAR NOG VOLSKAALSE LEKE IN DIE KOMBUIS WAS, BAK EN BROU NOU MET GROOT SELFVERSEKERDHEID EN TOEWYDING. GEENSINS WORD DAAR AFGESKEEP IN DIE KOSMAAK AFDELING NIE EN ALMAL GENIET IN N MATE DIE KANS OM TE KAN BAK EN BROU. NATUURLIK SPEEL DIE FEIT DAT CHEF VAN DIE DAG NIE DIE POTTE HOEF TE WAS NIE N AANSIENLIKE ROL. DIKWELS N GEVAL VAN HOE MEER DIE CHEF WEGGEVOER EN MEEGEVOER RAAK IN DIE KOMBUIS, HOE HARDER SWOEG EN SWEET DIE SKIVVIE VAN DIE DAG OM DIE KOMBUIS WEER SKOON TE KRY. NIEMAND KLA EGTER NIE. DAAR IS NIKS SO LEKKER AS N GEKOOTE ETE NA N LANG DAG SE KOUE NIE.

WINTER IS NATUURLIK OOK RUGBY SEISOEN EN GEREELD WORD DAAR OP SATERDAE MIDDAG INGESKAKEL OP RADIO SUID AFRIKA SE DIREKTE UITSENDING OM NA DIE PROVINSIALE WEDSTRYDE TE LUISTER. DIE VERSKEIE PROVINSIES IS GOED VERTEENWOORDIG AAN HIERDIE KANT EN DUS MET YSKOUE BIER IN DIE HAND WORD DIE ONDERSKEIE SPANNE AANGEMOEDIG. TOT GROOT ONSTELTENIS, EINDIG UITSENDINGS EGTER STIPTELIK OM 17:00 EN DUS WORD DIE DOODSNIKKE VAN MEESTE WEDSTRYDE GEMIS. DIE HET TOT GEVOLG HET DAT DAAR IN SPANNING GEWAS MOET WORD TOTDAT KOMMUNIKASIE MET PTÅ BEWERKSTELLIG KAN WORD OM SO DOENDE FINALE TELLINGS TE KAN KRY. DIE OU BEESBLAAS IS AL N PAAR KEER HIER OP DIE EILAND AL UITGEHAAL VIR N WEDSTRYD RAAK RUGBY OF DIE SEEPLADDE HELI PAD. DIT IS EGTER MEER N GEGLY AS ENIGE IETS ANDERS. VERAL DIE LEDE VAN DIE 100 PLUS KLUB SUKKEL SOMS OM HUL DRAAIE TE KRY EN EINDIG GEREELD OP IN DIE GRAS MOERRASE.

NATUURLIK WAS DAAR NIE NET GESPEEL DIE MAAND NIE. WERK IS ALTYD VOLOP. ONGEAG WEERSOMSTANDIGHEDEN MOET DIE ONDERSKEIE PROJEKTE VOORTGAAN. SAL DIKWELS DIE VELDASSISTENTE ASOOK BIOLOOG BUITE IN REEN EN SNEEU VIND, BESIG OM EEN OF ANDER DATA TE VERSAMEL. AS DIT NIE IS OM MUISE OF INSEKTE TE VANG NIE DAN OM DIE PIKKEWYN, ROB ASOOK VOEL BEVOLKING DOP TE HOU. VERDER BEGEEF ONS ONSSELF IN DIE AANGENAME SITUASIE WAAR DIE BASIS GEHEEL EN AL SELFONDERHOUDEND FUNKSIONEER. INDIEN IETS BREEK HELP DIT GEENSINS OM DIE GEELBLADSYE TE RAADPLEEG NIE. TUSSEN DIE SPANLEDE SELF MOET N PLAN GEMAAK WORD.

DUS IS DAAR GENOEGSAAM WERK VIR DIE RADIOTEGNIKUS ASOOK DIESELWERKTUIGKUNDIGE. DAAR IS MAAR BEDURIG IETS WAT IEWERS N PROBLEEM GEE. DIE WEERPERSONEEL OP HUL BEURT HET OOK HUL SKOFTE WAT GEWERK MOET WORD EN SO OOK DIE RADIO OPERATEUR WAT ELKE DAG AAN DIENS IS. MEDIESE WERK WAS TOT OP DATUM, TOT ALMAL SE GROOT VERLIGTING, MAAR REDELIK SKAARS GEWEES. DIE SIEKEBOEG IS MAAR N PLEK WAT ALMAL SOVER AS MOONTELIK PROBEER VERMY. VERDER, BO EN BEHALWE ALMAL SE SPESIFIEKE TAKE BESTAAN DAAR OOK DIE SPAN TAKE WAARIN ALMAL MOET DEEL BV. SKOONMAAK VAN BASIS, KOSKOOK, KOMBUIS SKIVVIES ENS. ENS. DUS IS WERK ALTYD VOLLOP. WAAR DIE TYD DIT TOELAAT VERGESEL EN HELP VAN DIE BASIS PERSONEEL GRAAG DIE VELDWERKERS MET HUL VERSKEIE OPDRAGTE. SODOENDE KRY VAN DIE MEESTE VAN ONS OOK N GELEENTHEID OM DIE EILAND TE SIEN ASOOK DIE KANS OM MEER TE KAN LEER VAN DIE DIERELEWE OP DIE EILAND.

WAT DIE DIERELEWE TANS OP DIE EILAND BETREF IS DIT MAAR REDELIK STIL. MEESTE VAN DIE DIERE HET MAAR BESLUIT OM DIE KOUE WINTER MAANDE N MIS TE GEE EN HET DIE WARMER SEESTROME VAN DIE INDIESE OSEAAAN GAAN OPSOEK. HEELWAT ROBBE, VOELS EN PIKKEWYNE IS EGTER NOG STEEDS TE SIEN OP DIE STRANDE EN IN DIE LUG. DIE PAAR BESOEKE WAT ONTVANG IS VAN DIE MOORDWALVISSE VROER DIE JAAR IS EGTER OOK NOU GESTAAK EN DIE LAASTE EEN IS SOWAT TWEE MAANDE GELEDE GESIEN. DAAR WORD WERKLIK UITGESIEN NA HUL TERUGKEER. DIT IS WERKLIK N VOORREG OM HIERDIE INDRIKWEKKENDE DIERE IN HUL NATUURLIKE OMGEWING TE KAN WAARNEEM. VERSKYNING MAAK NIE. DIE HOOGTEPUNT IN DIE DIERERYK DIE MAAND WAS SONDER TWYFEL DIE KOMS VAN DIE GENTOO KLEINTJIES. DIE GENTOO PIKKEWYNE IS DIE ENIGSTE WINTERBROEIER OP DIE EILAND. BY HUL GROOTELIKS N GEVAL VAN WAAR DIE KOUE EN ONPLESIERIGE WEER EERDER GETROTSEES WORD OM HUL KROOS IN OP TE BRING AS DIE GEVARE VAN DIE MENIGTE SKUAS, GIANT PETRELS EN ANDER ROOFVOELS BEDURENDE DIE WARM SOMERSMAANDE. NATUURLIK, SOOS MET ALLE ANDER LEWE OP DIE EILAND IS DIE GEBEURTENIS DEUR DIE MENIGTE MINOLTAS, PENTAX EN OLYMPUSSE VIR N EWIGHEID VASSELE OP FUJICHROME. NIKS MAAR NIKS ONTSNAP DIE MENIGTE LENSE EN KAMERAS NIE.

DIE SOSIAALE AGENDA DIE AFGELOPE MAAND WAS OOK MAAR REDELIK DRUK GEWEES MET TWEE VERJAARSDAE WAT GEVIER IS. PETRUS (SHORTY) TERBLANCHE WAT OP DIE 1 STE DIE AANVANG VAN SY 24 STE LEWENSJAAR OP MOEDER AARDE GEVIER HET EN SO OOK BRIAN CHAMBERS SY 25 STE OP DIE SEWENTIENDE JULIE. TOT LAAT NAG HET DIE KLANKE VAN, JY MOET LEKKERRRRRRR VERJAAR OU MAAT, DIE STILLE MARION NAGRUS VERSTEUR. MET GENOEGSAAM MARION LAGER OM DIE DORSTIGE EN SEER KELE TE STREEL IS BEIDE GELEENTHEDE DEEGLIK GEVIER. ONS EIE EKWIVALENT VAN N SEKERE MNR GLASS NL. BRIAN IS BESIG OM TE ONTPOP AS N BROUMEESTER VAN FORMAAT EN DIE DELIKATE CHEMIESE PROSES VAN BIER BROU IS TOT N FYN KUNS VERVOLMAAK. ASEMHALINGS PYPE, FILTRERINGSPROSESSE, REGTE TEMPERATURE, ENS, ENS MAAK ALLES DEEL UIT VAN DIE INGEWIKKELDE PROSES. SLEGS DIE BROUMEESTER SELF KEN DIE HELE GEHEIM MAAR DIE EINDPRODUK WORD EGTER DEUR ALMAL TERDEE GENIET. EN OM TE DINK HOE SKEPTIES ALMAL WAS TOE DAAR IN PTA VOORGESTEL WORD DAT VAN DIE BROUMENGSELS AANGEKOOP MOET WORD.

N VERDERE HOOGTEPUNT VAN DIE MAAND WAT BESLIS MELDING REGVERDIG IS BESLIS DIE AANSLAG OP DIE SNEEUBEDEKTE HANGE VAN FIRST RED. EKSKURSIES IS NIE NET SLEGS BEPERK TOT WERKSVERWANTE PROJEKTE NIE. SOMS MOET DAAR OOK TYD GEMAAK WORD VIR N BIETJIE SPEEL, SOOS DIE ENGELSE GESEGDE LY, VERDOORSAAK TE VEEL WERK EN TE MIN PLESIER DAT DIE LEWE MAAR VAAL RAAK. WEL, TOEGERUS MET SNEEUBRILLE, GORTX, SNEEUBORD, WOLHANDSKOENE PLUS N PAAR SWART SAKKE IS DAAR VROEG OGGEND DIE BERGE INGEVAAR VIR N DAG VAN SON, SNEEU, SKI EN PLESIER.

MET FIRST RED MET N SEEPGLADDE HELLING SONDER ENIGE KLIPPE AS DOEL VOOR OOG. HEEL DAG IS DAAR AL STAANDE, SITTENDE, ROLLENDE, ELKE DENKBARE MANIER MOONTelik TEEN DIE HELLING AFBeweeg. SOMMIGE AL STAANDE OP DIE SNEEBORD, EN DIE MET IEWAT VAN N BALANS PROBLEEM, AL SITTENDE MET DIE SWART SAK ONDER SITVLAK METODE. MAAK EGTER NIE VEEL SAAK WATTER METODE VERKIES WORD NIE, DIE KANSE WAS NOG STEEDS HEEL GOED DAT DAAR SONDER SWART SAK OF BORD AAN ONDERPUNT VAN FIRST RED GEARIVEER SOU WORD. AS DIE HANGE VAN FIRST RED EERS AANGEDURF WAS, KAN DAAR MAAR NET GEWONDER WORD OF ST. MORITZ NOG ENIGESINS N UITDAGING IS. OOR DIE ALGEMEEN IS DIT EGTER WONDERLIK WAT SO N DAG VAN SON EN PLESIER AAN DIE GEESTESTOESTAND KAN DOEN.

TEN LAASTE WIL ONS GRAAG AL DIE GELIEFDES, VRIENDE, VRIENDINNE, FAMILIE BEDANK VIR AL DIE BRIEWE WAT SO GETROU AAN DIE KANT ARRIVEER. DAAR SAL NOOIT VERDUIDELIK KAN WORD HOEVEEL DIE BRIEWE VIR DIE SPAN SE MORAAAL BETEKEN NIE. DIE MEES BEWOLKSTE DAG VERANDER IN N OOGWINK IN HELDER SONSKYN NA DIE AANKOMS VAN N BRIEF. SO, DUS SKRYF GERUS. ELKE BRIEF WORD HARTELIK WAARDEER.

DAAR SAL DAN VIR EERS MOET GEGROET WORD VANAF N KOUE EN WINDERIGE MARIONEILAND AF. MAG DIE MAAND VAN AUGUSTUS VIR IEDER EN ELK N VOORSPOEDIGE EN HEELWAT WARMER MAAND WEES:

WEERDATA VIR DIE MAAND VAN JULIE:

MAANDELIKSE GEMIDDELD:

|                     |            |
|---------------------|------------|
| DRUK -----          | 1011.2 MBA |
| TEMP.-----          | 5.2 GRADE  |
| HUMIDITEIT.-----    | 83 PERSENT |
| SONSKYN PER DAG.--  | 2.5 URE    |
| REENVAL TOTAAL.---  | 132.3 MM   |
| HOOGSTE WINDSTOOT.- | 132 KM/H   |

GROETE  
MARION 50

*May 18/3.*

(SAAMGESTEL: H MOLLER)

.....